

2 Petero

¹ Yesu Kristoac welen qe qe icya zéma Yesuac Méliméli icya ni Simeon Peteronéh, neňañ Anutu zéma aňgéh titi miňina Yesu Kristoac kekec so-laňawac kuhanéh naňgé néňu, ninzéh ninzéh nini késakeczij eeyaguc imi héná imuhucyanec mihicji énécmiyu késa keczu onac mia kiwi yomi o énécmizua.

² Anutu zéma neňañ Miň Kewunina Yesuac hénia ninzu ninij kuaya qe qeya imuac qeriaiguc ewa hiaya zéma luaeyanéh onac muru sécgéma hema kecmac.

Kristoac tohotoho ichéra ionac pakeň ac.

³ Eňeya edamuya zéma hiayanéh neňañ héihéré nénécmiyec i niňmianzij ninij imuac qeriaiguc mia Anutuac kuhanéh kekec zéma wawaň meme eeyaguc imuac buňa moczoň mihicji nénécmiyec.

⁴ Imi mia baeciguc séwinawac siň birianéh waň nénécmiyu haka oňgiňa késa kerij imuac héňara mema Anutuac héniaya téréyaiguc toro-qewij niňac sisipac ac eňeňa yanda eebipiyaguc imi nénécmiyec.

⁵ Hénia imuac niňac mia ini séc ménj seliseli wamma haka yomuhucyanéh kekecginaiguc toroqemu; Ninzéh ninzéhgina qahaiguc wawaň meme hiabia, wawaň meme hiabia imuac qahaiguc niniňgina,

⁶ niniňgina imuac qahaiguc melanzi amuma kekec, melanzi amuma kekec imuac qahaiguc

qeselima kekec, qeselima kekec imuac qahaiguc météré amuma kekec,

⁷ météré amuma kekec imuac qahaiguc dacmuna sinj, dacmuna sinj imuac qahaiguc goi héihéi wanamuma kekec imi toroqema imuac qeriaiguc kecmu.

⁸ Haka imuhucyanéñ onac muru hema emma heyu Miñ Kewunina Yesu Kristoac hénia ya kuaya qeqeya niñareñgéma kecma gorosona me arona ménda wammu.

⁹ Ménénéñ haka imuhucya ménda añgéñ tiyu hemizac imi kiwa mugu mugumia zéma kic hilic. Wanu ic imuhucya imi késpedesya bec zuacmimia wanec, néñ imi eluñ qeyu kecanzac.

¹⁰ Dacmuna hécna imuac niñac séc ménéñ ogicma seliseli wamma ai buñagina meseligimu. Imuhuc wanjic ai imuac unuruma megési énécmiyec imi hicñitegiru hémmu. Ini imuhuc wammuiguc ménda maunumac, néñ seligima kecmu.

¹¹ Imuhuc wamma kecmuiguc neñañ miñ kewunina añgéñ titi miñina Yesu Kristo iwac héngaleñ ama areña yanda hehe selia imuac naguya moczon auénécmiyu osiosiya qahac kereñdacmu.

¹² Imuac mia ini hénia imi niñasarima ac héla deguc kesa keczu imuaru nañseligiac keczu, néñ ini haka imuac niñqelimu niñac nalé séc énézemañ zé ninzua.

¹³⁻¹⁴ Ni Miñ Kewuna Yesu Kristonéñ zéasari néñec séc séwi halina focdac hetecgemañ imi ninzua. Imuac mia ni baec séwiac haliguc kicqeli kecanzua nalé imuac séc meqeli énécmiwa niñqelima kecmu niñac nimba sécgézac.

15 Wañu wai énécmima kemmanj imuac andi-aiguc ini acguc ackuazéc énézéyi imi niñqelimu niñac aina selianec mekeczua.

Kristoac edamuya.

16 Miñ Kewunina Yesu Kristoac kuha zéma mama hahayawac énézéyiñ suruc imi nemu surucdac ménj ic ménénj hiabianec areñgéma zézéya imuhucya ménda méndacma énézéyiñ, néñ neñaoç kicninanéñ eñeña miñinawac héniaya imi héñijñ imuac héipuc ic wamma énézéañijñ.

17 Edamu asaha eebipiyaguc imuac qeria igucnec ac ewa ménj yomuhuc mayec. Mayu inéñ Mañgoc arunec eebipiya zéma edamuya késayec. Yomi imi nuac nañ sorocna, iwac nimba sécgéyu ségiségi wañanzua.

18 Ac ewa imi nini i guc momacnec baec boña téréyaiguc kecni kurumenj igucnec hicñiyu neñaoç gezac ninanéñ niñijñ.

19 Wañu neñañ muru kua meme ic ionac ac he nénécmiyu niñni héla téngéñ wañanzac. Wañu ac iminéñ mia kifa ésécnec siñi tunumanj qe-tagali énécmiyu imuac mia kicgina hima kecgic ama gianjiyu ewa qeriginaiguc giangianawac widi yanda Yesu imi éréyu mihicñimu.

20 Wañu walac ac yomi niñyacgému, anduac ac kiwi téréyaiguc ooyawac hezac imi ic ménj eñeyawac héiqeli ac igucnec ménda haanzac.

21 Andiawac ara imi nalé ménjac ménj ic ménjac ewa siñ igucnec ménda mihicñigic, néñ uña téréyanéñ tilénggé énécmiyu Anutu arunec ichéra ienenj zéhicñianjic.

2

Anutuac tilin tilin ic ikora zéma kiwi ic ikora.

¹ Nén ic enia ionac sugginaiguc acguc Anutuac tilin tilin ic ikora hicnima keczu. Imuhucyanec sugginaiguc acguc kiwi ic ikora hicnima kecmu. Ienen imi mebiri énécmimiacac buña suruc ikora imi élénec mema sugginaiguc érému. Ienen imi enañ boñ héré meénécmiyec Min Kewu i qaecgéma focfoc mebiri énécmimiawac buña imi héré anjétimu.

² Wañu ienen kaisero wañgic sasalanén méndac énécmimu. Wañu ic ionac niñac ac hélawac héna imuac zébiri qébiri wammimu.

³ Kiwi ic ikora imi enen hémbaociguc namma ackuazéc ewaginaiguc téyu iminén batucgé énécmima iwawaigina héré onagic wammu. Wañu tasé mihicñi énécmimiawac ai imi becarunec ménda horugianzac. Wañu mebiri qebiriac kuhanén gau niñ ménda wamma ic imuhucyawac inicma keczac.

⁴ Anutunén kua meme uña tosara kápésic wañgic ionac kápésicgina ménda wai énécmima uña biria ionac baec dumuñawac bawaiguc gili énécmima sinji tunumañ yanda imuac hésa amaiguc onoporu kenkecgic zégésigési naléya hamacac hezac.

⁵ Wañu becaru Noa solañ kekecac buña zéau énécmiyec i zéma iwac sac taséhera 7 ionac sac goigina héima galenagé énécmiyu kecgic, nén bae-cac hicñisai tosara Anutu eeya ménda héiañgic

ionac imi goigina ménda héima doku qaon yanda mihicñi énécmiyec.

⁶ Wañu Sodom zéma Gomora ama areña yanda imuac miñina imuhucyanec qahac wammu niñac zétecgé énécmiyu bucalalañ wandacgic haka im-inéñ hicñisai biria andiaiguc hamu ionac séséc wañec.

⁷ Wañu ic solaña Lot imi héna ac qahac kecañgic ionac kaisero haka qesalecgégéya imuac niñac réwéri mihicñima keru imuacnec metecgé miyec.

⁸ Ic solaña inéñ ionac sugginaiguc kecma naléya naléya wawañ meme héna ac logilogiya imi kiwanéñ hémma gezawanéñ niñu ewa qeri solaña imi sisic waizalañguc opocañec.

⁹ Miñ Kewuninanéñ imi niñtegicma ic embac solaña imi manam batuc igucnec metecgé énécmima ic biria imi wai énécmiyu biriaginawac bakia bisima kecgicnec zégésigési naléya hamac.

¹⁰ Séwiac siñ tohoma siñ biria qeriaiguc tacyac wamma miñ mañgoc wañ énécmimia wac mematiti wammianzu imi kitiwagina melen énécmimacac hezac.

Imi eneñ mia bac yandi yandigina qahac déméñgina seliseli wamma zénéñgina ménda hirima edamu ginaguc keczu i zébiri énécmianzu.

¹¹ Néñ kua meme uña ic imuhucya onogicma kucgina kunéñ yanda sécgina mén he énécmimia ieneñ imi Miñ Kewuninawac wésiaiguc ionac mia zébiri qébiri ac ménda mema aciguc ménda onopocanzu.

¹² Wañu ieneñ imi hénihénia igucnec énépésiyu kemma humumu niñac hicñigic yañ beric ésécnec iwawai ménda niñacgégic imuac mia

zébiri wammima mebiri qebiri imuac qeriaiguc mebiri qebiri mihicñianzu.

¹³ Wañu haka biriawac kitiwawac haka biria mihicñima kaiwe asaha yanda qeriaiguc nezélélén wamma niñgic sécgéanzac. Iminén mia zapi qeqegina zéma késpedesgina wanzac. Ienen imi iniguc ariaciguc kecmu imuaru ikociguc héihéré wañamuma nezélélén wañanzu.

¹⁴ Kicgina imi kaiseroneñ sécgéma heyu késpedes waimuac séc qahac wañu ic embac tosara qeri uñagina ménda seliseligia imi haléc wañ énécmianzu. Wañu ewa qeriginaneñ seligiyu hémbaoc haka efima wañanzu. Imi enen mia saecac nambérac héra keczu.

¹⁵ Imi enen héna dindiña imi waima kemma rouc wamma kecma Beoroac naña Balamac[☆] héna méndacma kenzu. Ic imi mia wawañ meme biriawac boña niñac siña niñañec.

¹⁶ Imuhuc wamma keru Miñ Kewunén donki yañ ara qahac imuac kuaya mema ic ionac ac ewaiguc ac wammima gezac qézén ic iwac haka sohosohoya imuac neun héimiyec.

¹⁷ Ic imuhuya imi doku hogocya dokuya qahac zéma hosusu luhuc selianeñ mihilañgéyu kenha wañanzu ésécnec. Ionac niñac siñi tunuman mézézéñgéyu hezac.

¹⁸ Ienen imi séwi eñeñawac ac eñomia lomma zéma haka soho sohoya wawaña ionac murunec waizalañ wamma néñgacma hahaya imi muñguc kaisero hakanén séwiac siñiguc wamma haléc ac wañ énécmima

[☆] 2:15: Yud 1:11

19 hulac énécmi hésa qaté qahac kecmu zéma ac zikima énézéanzu, nēj enaᅇ imi haka houhouyawac welenqeᅇ ic keczu. Imi mia hénia yomuhuc niᅇac; Ic méjnénj ménda ogicmac imi méj ogiczac iwac welen qeᅇeya wammacac hezac.

20 Ieneᅇ imi aᅇgēᅇ titi miᅇina Miᅇ Kewunina Yesu Kristo nimmima baecac haka biria imuac-nec nēᅇgacma hamaguc muᅇᅇuc haka iminēᅇ qatéénécmima meseli énécmiyu imi bec kekecgina hénihéniaiguc kecgic imi ogicma moczoᅇ biridac-mac.

21 Héna solaᅇa niᅇasarima zézé seli ac téréya mératéc buᅇa énécmimia imi andé qezu ionac niᅇni biriᅇiría waᅇu duᅇa melemma héna solaᅇa ménda nimma kekera ionac niᅇni méj ogicma hía zézé wanzac.

22 Pakeᅇ ac héla yominēᅇ ionac muru héla héizac. Kazu imi loloᅇa muᅇᅇuc nemaᅇ zé liliᅇgēanzu. Waᅇu beric imi doku naecmaguc muᅇᅇuc gizoᅇiguc kemma lumuc euma heanzu.

3

Miᅇ Kewunēᅇ liliᅇgéma hamac.

1 Kunuchécna, deguc kiwina méj yomi owa hatac éréhéc wanzac. Kiwina éréhécnec imuaru imi ewa qerigina héla mindi énécmimaᅇ zé hénia yomuac mia meᅇeli énécmizua;

2 Eneᅇ kua meme ic téréya ieneᅇ andu ac zégic ackuazéc imi zéma Miᅇ Kewunina aᅇgēᅇ titi miᅇinanēᅇ Yesuac Méliméli ic ionac kuagi-naiguc haiyu énézégic imi niᅇqelima kecmu niᅇac oénécmizua.

³ Walac imi yomuac niñselimu, nalé tetcgiaiguc zésiloloc wañanzu imi eneñ hama séwiginawac siñ méndacma wamma zésiloloc wamma yomuhuc énézému.

⁴ Miñ Kewu lilingéma hamac zézé seli imuac héla dimia? yanda hécnina humudacgic, néñ iwawai sasala baec hicñiyec igucnec hema hama kerec imi imuacnec hema keczac.

⁵ Imuhuc zéanzu eneñ imi Anutunéñ zéyu ackuazécyá imuac niñac kurumeñnéñ becarunec hicñima hezac imi zéma baec imi doku igucnec zéma dokunéñec mihicñiyecac hezac imi kilenñ eluñ unumac niñ wanzu.

⁶ Héña imuac niñac becnecc baec yomi dokunéñ luma hoturuyu humudacgic.

⁷ Wañu ackuazéc iminéñec baec kurumenñ deguc hezaoc imi gésigési naléiguc biria meme ieneñ zéraiguc emmu imuac naléya ducñimacac séc gericac buña añgénñ tiércmiyu mambéc hezaoc.

⁸ Kunuchécna, Miñ Kewuguc imi ai meme momacguc imi niñu yawuñ tausenñ éséc wañanzac, wañu yawuñ tausenñ imuac niñu ai meme momacguc tanec wañanzac imi eluñ ménda unumac.

⁹ Miñ Kewuac sisipac ac imi ic tosara eneñ nalé horugizac zéma niñanzu ésécnec ménda horugizac. Imi mia ini moczoñ ménda biridacma keñkecma ewa melenñ wandacmu niñac wamma nalé herec bénzénñ mambéc wañ nénécmianzac.

¹⁰ Wañu Miñ Kewuac naléya imi kowu nene ésécnec éléñec hamac. Nalé imuaru imi kurumenñ imi héténñ yandaguc qacma aulangéma kendacmac. Wañu baec imi gericnéñ zeyu doku

ésécnec wamma uraha qahac wandaru imuaru ai memeyawac hezac imi acguc qahac wandacmac.

11 Iwawai momac yanda imuhuc qahac wandacmac, imuac ini ic dimuhucya wanjic sécgémac? Wawanj meme téréya zéma haka eeyaguc kecma

12 Anutuac naléya imi hamac niñ hélacnec mambéc kecmu. Nalé imuaru imi gericnéñ zeyu kurumenéññéñ doku ésécnec hularu iwawai héhéña imi pépélíma madacmac.

13 Wanju neñañ imi iwac sisipac aciguc hezac séc kurumenj qelia zéma baec qelia hicñímaoc niñ mambéc kecanziñ. Wanju baec imuaru imi haka solañja hezac.

14 Imuac kunuchécna ini iwawai imuhucyawac mambéc keczu. Imuac iwac kiwaiguc zapi qahac kápésic solañ wamma luaeiguc wininimu niñac seliseli wamma kecmu.

15 Wanju Miñ Kewuninanéñ nalé horua bisiqaténj wanj nénécmianzac haka iminéñ añgénj titinina wanj nénécmimac zéma nimmu. Dacmuna soroc hécnina Paulo i acguc niñtegic qinjegic haimiyec séc imuhucyanec oénécmiyec.

16 Wanju kiwiya oyec séc haka imuac zéyec. Wanju kiwiya tosara imi niñyacgéwiñ zé batucgéni hénia hiñgac hiñgara wanzac. Ic tosara niniñgina qahac zéma ménda seligima nanzu ienenj kiwi tosara ésécnec zénimma sécgina ogicma hénia miñzima nimma enjaoc kápésic humumiawac mi-hicñianzu.

17 Imuac kunuchécna ini imi walac nindaczu imuac niñ tosara hénia ac qahac kecanzu ienenj ac

halécnéŋ waŋ énécmigic seligima namma imuac-
nec mama unuwac niŋ galenŋ mema kecmu.

¹⁸ Waŋu Miŋ Kewunina zéma aŋgéŋ titi Miŋina
Yesu Kristo iwac goi héihéi zéma hénia niŋni
yandima kemmac. Edamuyanéŋ deguc zéma nalé
tetcgia qahac iwac muru hemac! Hélacnec.

SISIPAC AC QJELIA
The New Testament and Psalms in the Kube Language
of Papua New Guinea
Buk Song na Nupela Testamen long tokples Kube long
Niugini

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

PDF generated using Haiola and XeLaTeX on 18 Apr 2025 from source files dated 31 Aug 2023

0403b50f-078d-52e2-a203-056e8a430665